

四庫全書

子部

欽定四庫全書

六藝之一錄卷五十八

錢唐倪濤撰

石刻文字三十四

宋碑

宋武帝受禪壇記

永康元年陸綜分書在壽州

金石略

在安豐軍

輿地碑目

宋武帝檄譙縱文

按顏有意書成都學館廟堂記云石室北壁有晉義

熙九年刺史朱齡石勒宋高祖檄譙縱文其字磨滅不可備識學館記唐初立距今又數百年宜其磨滅愈難識矣然其歲月官爵猶略可辨云

金石錄

### 宋文帝神道碑

右宋文帝神道碑云太祖文皇帝之神道凡八大字而別無文辭惟此為表識耳古人刻碑正當如此而後世鐫刻功德爵里世系惟恐不詳然自後漢以來門生故吏多相與立碑頌德矣余家集古所錄三代

以來鐘鼎彝盤銘刻備有碑文漢以來始有也此碑  
無文疑非宋世立蓋自漢以來碑文務載世德宋世  
子孫未必能超然獨見復古簡質又南朝士人氣尚  
卑弱字書工者率以纖勁清媚為佳未有偉然巨筆  
如此者益疑後世所書按宋書文帝為元凶劭所弑  
初謚曰景廟號中宗孝武立改謚曰文號太祖其墓

曰長寧陵也

集古錄

宋文帝神道碑在潤州

金石略

凌歊臺碑

宋孝武時立唐李白時已不可讀在南直隸太平府

城北黃山巔

古今碑刻記

宛城司空劉劭廟碑

肥水又左納葛陂瀆瀆水自漿黎分水引瀆壽春北  
逕芍陂門右北入城瀆東有東都街街之左道北有  
宋司空劉劭廟宋元徽二年建于東鄉孝義里廟前  
有碑是年碑功方創齊永明元年方立沈約宗書言

大始元年豫州刺史殷琰叛明帝假勳輔國將軍討之琰降不犯秋毫百姓來蘇生為立碑文過其實建元四年故吏顏幼明為其廟銘故佐史龐琕為廟讚

夏侯敬友為廟頌並附刊於碑側

水經注

### 宋王琳碑

宋元嘉中顏延之為王琳碑石

廣川書跋

### 宋羅含碑

在衡州

金石略

宋宗慤母夫人墓誌

右宗慤母夫人墓誌不著書撰人名氏有誌無銘其  
後云謹牒子孫男女次第名位婚嫁如左蓋一時之  
制也按慤本傳與此誌厯官終始不同本傳云宗孝  
武即位以慤為左衛將軍累遷豫州刺史監五州軍  
事使討竟陵王誕入為左衛將軍廢帝即位為寧蠻  
校尉雍州刺史卒此誌乃大明六年作誌云為右衛  
將軍監交廣二州湘州之始興冠軍將軍平越中郎

將廣州刺史始遷豫州監五州軍事又為散騎常侍  
左衛將軍領太子中庶子荊州大中正而傳皆略之  
也慙南陽涅陽人而此誌云涅陽縣都鄉安眾里人  
又云定於秣陵縣都鄉石泉里都鄉之制前史不載

集古  
錄

不著書撰人名氏慙仕宋為散騎常侍荊州大中正

洮陽縣侯夫人姓劉氏碑以大明六年立

集古  
錄目

宋宗慙母劉夫人墓誌謝朓文大明二年立在江寧



府

金石略

宗散騎常侍謝濤墓銘

碑云濤字明遠春秋四十有

缺

元嘉十八年歲次屠

維月旅林鐘十七日卒其年九月三十日窆窆於揚

州丹陽郡建康縣東鄉土里山夫人王氏大明七年

歲次單閏十月十四日合祔

復齋碑錄

在應天府

天下金石

志

宋湘東太守張濟女雅兒墓誌

宋故臨渭縣侯湘東太守張府君諱濟第三女雅兒

春秋三十有一亡於徧憂永徽元年十月十七日權

假窀穸於西鄉

復齋  
碑錄

在蘇州

寶刻  
叢編

宋石門頌

大宋元嘉十有九年歲在壬午刊而記諸石在青田

縣

復齋  
碑錄

宋湘宮寺水陸田記

大始年立

復齋  
碑錄

宋石帆銘

鮑照文

輿地  
碑目

齊碑

齊海陵王墓誌

右南齊海陵王墓銘長兼中書侍郎謝朓撰海陵王  
昭文者文惠太子次子也初明帝鸞既廢鬱林王昭  
業而立昭文又廢為海陵王而殺之遂自立按謝朓  
傳朓當海陵王時為驃騎諮議領記室又掌中書郎  
後遷尚書吏部郎此誌題云長兼中書侍郎而據傳  
朓未嘗為中書侍郎史之闕也按南齊書劉悛為長

兼侍中後魏臨淮王彧為長兼御史中尉南北史多有此名蓋當時兼官之稱如唐檢校官之類也

集古錄

南齊長兼中書侍郎謝朓撰不著書人名氏海陵王名昭文文惠太子之子齊明帝廢其主鬱林王而立之在位一年又廢為海陵王

集古錄目

慶曆中予在金陵有饗人以一方石鎮肉視之若有鐫刻試取石洗濯乃齊海陵王墓銘謝朓撰并書其字如鍾繇極可愛予攜之十餘年文思副使夏元昭

借去遂托以墮水今不知落何處此銘朮集中不載  
今錄於此中樞誕聖膺歷受命於穆二祖天臨海鏡  
顯允世宗溫文著性三善有聲四國無競嗣德方衰  
時維介弟景祚云及多難攸啟載驟軫獵高闕代邸  
庶辟欣欣威儀濟濟亦既負扈言觀帝則正位恭已  
臨朝淵嘿虔思寶締負荷非克敬順天人高遜明德  
西光已謝東甌又良龍燾夕儼葆挽晨鏘風搖草色  
日照松光春秋非我晚夜何長

夢溪  
筆談

海陵誌在沈翰林括家

東觀  
餘論

八公山淮南王劉安廟碑

肥水又西分為二水右即肥之故瀆過為船官湖以  
置舟艦也湖北對八公山山無樹木唯童阜耳山上  
有淮南王劉安廟劉安是漢高帝之孫厲王長子也  
折節下士篤好儒學養方士之徒數十人皆為俊異  
多神仙祕法鴻寶之道忽有八公皆鬚眉皓素詣門  
希見門者曰吾王好長生今先生無住衰之術未敢

相聞八公咸變成童王甚敬之八士並能煉金化丹  
出入無間乃與安登山埋金於地白日升天餘藥在  
器雞犬舐之者俱得上昇其所昇之處踐石皆陷其  
人馬跡存焉故即以八公為目余登其上人馬之跡  
無聞矣唯廟像存焉廟中圖安及八士像皆坐牀帳  
如平生被服纖麗咸羽扇裙帔巾壺枕物一如常居  
廟前有碑齊永明十年所建也

水經注

齊桐柏山金庭館碑

南齊征虜將軍南清太守司徒左長史揚州行事沈  
約造揚州刺史驃騎記室倪珪之書據記稱永泰中  
定居桐柏嶺因地名建館曰金庭宮命置道士十人  
而已為之首蓋道士自敘之言非約所撰其謂造之  
者疑如後世所立碑之類耳碑以永元三年立  
在剡縣東南七十二里本觀內齊永元三年正月立

訪碑  
錄

齊褚伯玉碑



褚伯玉有隱操齊高帝勅於剡白石山立太平館以  
居之孔稚圭嘗從伯玉受道法為於館側立碑

南史  
隱逸

傳

齊侍中蕭穎胄碑

齊侍中尚書令丞相巴東獻武公蕭穎胄碑普通五  
年太歲甲辰三月辛亥朔十日庚申鐫在花林村

復齊

碑錄

雲亭碑

在安福縣永明二年立其文磨滅

與地  
碑目

齊紀僧真造釋迦像題

齊永明二年太歲甲子四月二十日弟子紀僧真為

亡弟僧惠敬造在宜興

復齋  
碑錄

齊周僧徽等造像記

齊永元元年歲次己卯十二月初八日釋迦清信弟

子周僧徽僧義僧瓚僧琰等造在宜興

復齋  
碑錄

梁碑

梁元帝廬山碑

夫日月麗天皇帝穹所以貞觀川嶽帶地后土所以維  
寧廬山者亦南國之德鎮雖林石異勢而雲霞共色  
長風夜作則萬流俱響晨飈曉吟則百里齊應東瞻  
洪井識曳帛之在茲西望石梁見指寶之可拾誠復

慕類易悲

闕

中難久攀蘿侶葛多見淹留

廬山  
碑略

梁太祖文皇帝神道碑

在丹徒縣之三城港文帝陵下鎮江志云歐公集古

錄以為宋文帝碑非是宋文帝自葬蔣山見沈約宋書第見此八字與宋帝謚號同遂指以為宋帝不知

梁武帝父追尊之號亦同

輿地碑目

### 梁廬陵王銘

世傳宗資闕文謂古無是而豐碑本以下緯其說信

也嘗考吳均齊春秋王儉謂石碑不出禮典起宋元嘉顏延之為王琳碑石又考杜叔廡書儀則謂碑石自魏司徒繆襲改墓刻石以誌因以述其德行昔顏

之推論碑銘皆不及此乃知不顯著於書者或不得  
盡考也嘗見南朝得王戎墓銘凡數百言其首書晉  
司徒尚書令安豐元公之碑其後張率得威斗何承  
天以為必甄豐求其識得石具如承天說然其制已  
備於漢豈特魏晉間耶蔡邕銘論曰碑在宗廟兩階  
之間近代以來咸銘於碑余見邕之為靈表墓硬碑  
便知諸人論之不詳皆不足信於世廬陵王碑敘述  
唯謹微覺煩碎然字畫簡古為足貴也

廣川  
書跋

梁立延陵季子二碑

晉殷仲堪文梁王僧恕書在潤州

金石略

梁改墮淚碑

劉之遴撰劉靈正書

金石錄

梁重立羊祜墮淚碑

右羊祜碑梁大同中以舊碑殘缺再書而刻之碑陰

具載其事今附於次

金石錄

晉故使持節侍中太傅鉅平成侯羊公之碑篆額正

書無名姓字畫亦類劉靈書年月同上碑

復齋碑錄

羊公墮淚碑不著書撰人名氏襄陽耆舊傳謂李興  
初撰也梁大同十年雍州刺史以故碑闕落命別駕  
從事史劉伯推模立此碑故碑一丈一尺開元間故  
碑尚無蓋李翰林有龜頭剝落生莓苔之句今不存

矣

集古後錄

劉瓛碑

天監元年下詔為劉瓛立碑謚曰貞簡先生

南史本傳

關內侯盛紹遠碑

天監中聚徒教授歿後門人立碑在餘杭

訪碑錄

在餘杭縣西北進賢里按古圖經稱碑刻云天監二年聚徒數百人以授業歿後門人相與立碑以旌德

業

廖瑜碑碣目

梁侍中始興忠武王碑

徐勉造貝文淵正書張

缺

明監作吳賢明上石在花

林清風村

復齋碑錄



梁侍中司徒鄱陽忠烈王墓誌

張纘奉勅造普通七年二月二十五日葬

復齋  
碑錄

梁散騎常侍司空安成康王碑

故州民前廷尉卿彭城劉孝綽撰奉朝請吳興貝義

淵正書在花林村

復齋  
碑錄

安成康王秀卒遊王門者東海王僧繇吳郡陸倕彭

城劉孝綽河東裴子野各製其文咸稱寶錄遂錄四

碑並建

南史梁  
宗室傳

梁蕭懿墓碑

簡文為太子時撰書法道勁可愛

陸游劍南詩藁

衡州刺史蘭欽德碑

在英德府天監七年立湘東王蕭繹文其石斷裂文

字磨滅

輿地碑目

梁貞白先生陶弘景碑

蕭綸文分書江陵府

金石略

梁陶隱居墓誌

梁昭明太子蕭統撰蕭綱書無立石年月

復齋碑錄

梁張先師碑

梁昭明太子奉勅撰天監五年立

諸道石刻錄

梁永陽昭王敬太妃墓誌銘

徐勉奉勅撰細書無姓名普通元年十月九日巳卯

薨

復齋碑錄

梁侍中司空永陽昭王墓誌銘

徐勉奉勅撰細書無姓名梁武次兄齊建武四年薨

梁天監元年追贈普通元年十一月太妃王氏薨合

祔作誌

復齋  
碑錄

齊侍中尚書令巴東獻武公碑

普通三年立在應天府黃城村

天下金  
石志

梁建安敏侯碑

在應天府淳化鎮西

天下金  
石志

梁太常卿陸倕墓誌

從子襄序湘東王蕭繹銘前一半磨滅僅有姓氏名

字官爵皆不復存後有普通七年除太常卿字以其  
年六月卒葬吳縣陵山鄉碑未列祖父二兄四男名  
及官爵以南史考之乃陸慧曉之子陸倕也按史倕

字佐公累遷至太常卿卒

復齋  
碑錄

梁許府君墓誌

郡太守河南褚翔造大同三年太歲丁巳正月丁酉

朔十九日乙卯葬在宜興

復齋  
碑錄

梁臨川靖惠王之神道

梁故假黃鉞侍中大將軍揚州牧臨川靖惠王之神

道雙闕各二十一字去城三十里北城鄉

後齊碑錄

在應天府北城鄉

天下金石志

梁新渝寬侯神道

梁故侍中仁威將軍新渝寬侯之神道正書十五字

後齊

碑錄

梁吳平忠侯蕭公神道

反書類隸字題云梁故侍中撫軍將軍開府儀同三

司吳平忠侯蕭公神道在花林村

復齋  
碑錄

在應天府花林村

天下金  
石志

梁建安敏侯神道

梁故侍中左衛將軍建安敏侯之神道正書十五字

在淳化鎮

復齋  
碑錄

梁故范府君神道

梁故昭遠將軍臨川王國侍郎范府君之神道正書

十八字

復齋  
碑錄

梁史府君神道

梁故假節散騎常侍兗州刺史建昌縣開國侯史府君之神

道正書二十四字有武后時字恐是武后時立

復齋碑錄

兗州刺史史府君墓石柱刻在溧陽縣

輿地碑目

梁茅君碑

茅君碑三茅者盈太元真君固定錄真君衷保命僊

君皆漢景帝中元間人盈天漢四年道成至元帝初

元五年來江左句曲之山哀帝元壽二年乘雲而去



至梁普通三年五百四十四年矣固至孝元時拜執金  
吾鄉裏宣帝地節四年拜上郡太守五更大夫並解  
任還家修學成帝永始三年固為定錄真君裏為保  
命仙君梁普通三年道士張繹建此碑孫文韜書元豐

跋題

不著撰銘人名氏梁茅山道士孫文韜書領道士正  
張繹集茅山記茅君九錫文而刻之因為之銘碑以

普通三年立在茅山

集古  
錄目

普通三年壬寅五月壬辰朔十五日丙午張繹建立

孫文韜正書碑陰右側題三洞法師闕殷靈養左

側題三洞法師魯郡周顯明以己卯誕世尋真宋末

德茂齊梁復齋碑錄

梁茅君碑孫文韜書或云張澤書普通三年在江陵  
府又云梁上元真人司命茅君九錫文普通三年江

陵府金石略

梁許長史舊館壇碑

梁隱士陶弘景撰其前題曰弟子華陽隱居陶弘景  
謹造其傍又題曰此一行隱居手自書其文不知誰  
所書也弘景學道句曲山中有晉許長史故居壇塔  
為之記頌碑額又有四字曰天靈聖明不知為何語  
也在茅山

集古  
錄目

陶弘景撰孫文韜書天監十七年立在玉晨觀

諸道  
石刻

錄

梁上清真人許長史舊館壇碑普通三年陶弘景文

并書有碑陰在江陵府

金石略

今在句容縣茅山碑首云弟子華陽隱丹陽陶弘景造隱居手自書前此未有列書人之名者此其始也

其書金陵地肺字作拂

金石文字記

### 梁長沙館碑

陶弘景撰其文曰夫萬象森羅不離兩儀所育百法紛湊無越三教之境縉紱之士飾禮容於闈閣耿介之夫歇旌麾於門齋銘曰大哉乾元萬物資始皇王

受命三才乃理惟聖感神惟神降祉德被歌鐘明昭  
圖史友于兄弟敬惟西宣言追茂實用表遺先敢循

舊制有革雜章刊石弗朽奕代流芳

茅山碑略

梁汶陽觀碑

在遠安縣大通五年荊州刺史湘東王繹撰

篆字記

梁簡寂觀碑

太子僕射沈璿撰

輿地碑目

玉筍山清虛館碑

清虛館者梁天監中京兆杜曇永於廬林玉筍山建  
之以栖遁而蕭侍中子雲景喬裔孫律守虔州重刻  
茲記而書其後引玉筍山實錄以為景喬自嶺南使  
還登此山師曇永而道成上帝賜之玉冊以為元洲長  
史治郁木福庭舉族八十二人皆仙去又於碑書景  
喬之官乃曰黃門侍郎太子司徒左長史按梁初景  
喬自太子舍人移丹陽郡丞出為臨川內史還除散  
騎常侍侍中國子祭酒又出為東陽太守太清元年

復為侍中及祭酒三年宮城失守奔晉陵餓卒於顯  
雲寺僧房年六十有三與玉笥山錄所載垂異亦猶  
漢史書淮南王安自殺而仙史謂其蓋室上賓者同也然  
方外之事固不可以常理測景喬仙去之事道家書  
載之甚著唐世亦有遇之於茲山者第恐其餓卒晉  
陵道家所謂解化猶託劍驗火之類也至於山錄稱  
其嘗使嶺南及為黃門侍郎太子司徒長史則誤蓋  
考之於傳景喬但嘗為太子舍人為侍中為臨川為

東陽未始位黃門及長史并使嶺表也然子嘗見子雲啓事梁武稱侍中南徐州刺史臣子雲而傳亦不書其刺南徐則史家容有舛漏但太子官屬初無長史乃見碑所題之謬也景喬文詞雖六朝駢麗體故自清靡可喜要不失為佳文至律所刻玉筍上清宮碑題云杜曇永撰則詞格淺俚與景喬所製不侔然亦非當時語殆唐末五代人所為假托杜君耳清虛碑但云杜君為豫章王左常侍耳而上清碑末題云



天監十五年立至題杜君之官則云禮部侍郎翰林  
學士其不稽古甚矣若律者其陋至此得無愧厥祖  
乎獨其能傳景喬之文於石及立祠堂為可取耳又  
其所題碑後詞至凡近弗倫予頗為刪易并錄二碑  
及南史景喬傳並置右方使觀者有考焉第律重刻  
清虛碑字甚惡故但錄其文耳古樓觀之觀乃謂之  
觀而道家居皆日以館若宗崇虛館梁朱陽館為陶  
隱居  
置之類甚衆至近古乃以館為觀蓋亦取仙人樓居

之義因辨此碑聊識於後

東觀  
餘論

### 梁華陽石碣頌

梁普通三年五月五日略記正書無書撰人名氏刻

在許長史舊館壇記碑陰

復齋  
碑錄

### 梁開善寺智藏法師碑

右梁智藏法師碑梁湘東王蕭繹撰銘新安太守蕭  
幾作敘殿中郎蕭挹書世號三蕭碑法師者姓顧氏  
幾挹皆稱弟子哀世之弊遂至於斯余於集古錄而

不忍遽棄者以其字畫麗可佳捨其所短取其所長

斯可矣

集古錄

梁新安太守蕭幾撰序湘東王蕭繹撰銘尚書殿中

郎蕭挹書法師姓顧氏吳郡吳人居鍾山開善寺碑

以普通三年九月立

集古錄目

世號三蕭碑在蔣山按此碑銘紹興初為虜人所焚

諸道石刻錄

跋三蕭碑後云此楷法自鍾元常後唯江左諸賢頗

得之故蕭殿中書是碑古雅可喜然下至隋唐其法

遂亡虞褚歐薛弗能逮也此可與識者論云

東觀  
餘論

梁開善寺大法師碑蕭挹書普通三年在建康府

金石

略

### 梁招隱寺刹下銘

梁晉安王蕭綱撰不著書人名氏招隱寺刹王之所  
建也王後即位是為簡文帝碑以普通三年九月立

集古  
錄目

蕭綸書普通二年在普州

金石略

梁檀溪寺禪房碑

梁信威主簿劉之迺序記室叅軍鮑炯銘前輔國郡都曹參軍許璠書檀溪寺者東晉人張殷以宅所立咸安中沙門道安重建宋元嘉二十五年有西域浮屠又建禪房於池水之東其地逼隘梁天監四年勅別給池西之地移而立之碑於天監十一年四月立

集古

錄目

麥積山應乾寺重修七佛龕銘

庾信文在秦州

金石略

智者法師碑

在義烏縣梁太子綱文

輿地碑目

梁孝敬寺刹下銘并發願文

二碑並在真州靈巖山法義禪院

輿地碑目

梁士林館碑

梁武帝於城西置士林館虞荔乃制碑奏上帝命勒

之於館

南史虞荔傳

鍾山壙中銘

梁太常任昉大同四年七月於鍾山壙中得銘當時  
莫能辨者因藏之戒諸子曰世世以銘訪通人昉五  
世孫升之寫以授郭欽說欽說出使得之於長樂驛至  
敷水三十里而悟升之服其智

唐書郭欽說傳

梁羅浮山銘

梁廣州刺史河東王蕭

缺

撰參軍蕭世貞書中大同

元年立

集古錄目

梁江淹碑

在越州

金石略

陳碑

陳蔡景歷碑

禎明二年重贈景歷侍中中撫軍將軍於墓所立碑

南史

本傳

陳顧野王祠碑



晉僧於水際得古斷碑云野王於此修輿地志即今

寶雲寺東

天下金石志

陳張慧湛墓誌銘

陳隋之間字書之法極於精妙自開皇仁壽而後至唐高宗已前碑碣所刻往往不減歐虞而多不著名氏如鉗耳君清德頌或有名而其人不顯如丁道護之類不可勝數也慧湛陳人至唐太宗時始改葬爾其銘刻字畫道勁有法翫之忘勦惜乎不知為何人

書也

集古錄

不著書撰人名慧湛字彥沈涿郡范陽人仕陳至南

平王諮議叅軍

集古錄目

陳善慧大士碑

陳侍中尚書左僕射領大著作徐陵撰陳大建五年  
太歲癸巳七月五日書吳興吳文純刻字碑陰紀大

士問答語并題眷屬弟子名

復齋碑錄

陳善知閣黎碑

陳侍中光祿大夫王

名

撰太建五年立

諸道石  
刻錄

陳惠集法師碑

陳大建六年尚書左僕射領國子祭酒豫州大中正

周弘正撰

諸道石  
刻錄

陳尼慧仙銘

碑首稱前安東諮議參軍而其下缺滅不見撰者姓名宣成王國常侍陳景哲書慧仙姓石氏譙人也為

尼居慧福寺碑以天嘉元年立

集古  
錄目

陳韋霈書攝山栖霞寺碑

金陵六朝遺刻惟始興安成二碑在花林田中此雖  
陳時所立然初本燬於會昌後又重立而石復斷僧  
人契先再依石本寫之則今立於殿廡者是已碑內  
言明徵君初居此與度法師講經遂捨宅為寺繼而  
欲造無量壽佛未成而沒子仲璋繼之又言朗法師  
在寺梁帝遣十僧受法又言蕭昉遁迹茲山死葬法師  
傍又言夢靳尚神受戒則今山頂有廟者是已但蕭

公之墓都不可尋而遺刻益已剝盡則江湄持所謂  
辭題翠琰字勒銀鈎賢乎樂餌過客宜留者亦有時

而勒耶嘉定丁巳五月七日記

主牘  
紀

徐陵報德寺塔銘 周弘正報德寺碑

在長興縣大雄寺

輿地  
碑目

六藝之一錄卷五十八

欽定四庫全書

子部

六藝之一錄卷

五十九  
六十

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣陸湘

騰錄監生臣王宮

欽定四庫全書

六藝之一錄卷五十九

錢唐倪濤撰

石刻文字三十五

北魏太延御射碑

徐水三源竒發齊瀉一澗東流北轉逕東山下水西  
有御射碑徐水又北流西屈逕南巖下水陰又有一  
碑徐水又隨山南轉逕東巖下水際又有一碑凡此  
三銘皆巽對層巖巖鄣深高壁立霞峙石文云皇帝

以太延元年十二月車駕東巡逕五危之險途覽崇岸之竦峙乃停駕路側援弓而射之飛矢踰於巖山刊石用讚元功夾碑並有層臺二所即御射處也碑

陰皆列樹碑官名

水經注

郊天壇碑

如渾水又逕平城西郭內魏太平七年所成也城周西郭外有郊天壇壇之東側有郊天碑建興四年立

水經注



勒宣時事碑

自講武臺西出南山山無樹木唯童阜耳即廣德殿  
所在也其殿四柱兩厦堂宇綺栱圖畫奇禽異獸之  
像殿之西北便得焜煌堂雕楹鏤角取狀古之溫室  
也其時帝幸龍荒游鸞朔北南秦王仇池楊難當捨  
蕃委誠重譯拜闕陛見之所也故殿以廣德為名魏  
太平真君三年刻石樹碑勒宣時事碑頌云肅清帝  
道振攝四荒有蠻有戎自彼氐羌無思不服重譯稽

顙恂恂南秦斂斂推亡峨峨廣德奕奕焜煌侍中司徒東郡公崔浩之辭也碑陰題宣城公李孝伯尚書

盧遐等姓名若新鏤焉

水經注

### 靈邱御射碑

滄水自縣南流入峽謂之隘門設隘於峽以譏禁行旅歷南山高峽隱天深溪埒谷其水沿澗西轉逕御射臺南臺在北阜上臺南有御射石碑南則秀鄣分霄層巖刺天積石之峻壁立直上車駕沿草每出遊

藝馬

水經注

孝文北巡碑

右魏孝文北巡碑云太和二十一年脩省方之典北臨舊京又云涉西河出平陽斜順唐遠指遊咸櫟路邇龍門遂紆雕軒按後魏本紀是歲正月乙巳北巡二月次太原至平城四月幸龍門以太牢祭大禹遂幸長安汎渭浮河乃東歸與此碑所書皆合也碑無

題首故依本紀為北巡碑也

集古錄

高祖講武碑

西塞水出懷朔鎮東北芒中南流逕廣德殿西山下  
余以太和十八年從高祖北巡屆於陰山之講武臺  
臺之東有高祖講武碑文是中書郎高聰之辭也

水經注

冰固堂碑

羊水又東注於如渾水亂流逕方嶺上有文明太皇  
太后陵陵之東北有高祖陵二陵之南有冰固堂堂

之周隅雉列榭階欄檻及扉戶梁壁椽瓦悉文石也  
檐前四柱採洛陽之八風谷黑石為之雕鏤隱起以  
金銀間雲雉有若錦焉堂之內外四側結兩石趺張  
青石屏風以文石為緣並隱起忠孝之容題刻貞順  
之名廟前鐫石為碑獸碑石在家左右列柏四周迷  
禽閣日院外西側有思遠靈圖圖之西有齋堂南門  
表二石闕闕下斬山累結御路下望靈泉宮池皎若

圓鏡矣

水經注

定鼎碑

金石錄作御射碑

右魏定鼎碑景明三年建在今懷州流俗謂之定鼎碑也景明魏宣武年號也碑云定鼎遷中之十年按魏孝文以大和十七年遷都洛陽至此景明三年

蓋十年矣

集古錄

不著撰人名氏後魏鎮遠將軍通直散騎常侍沈馥書宣武帝講武於洹衛之間命近臣馳射帝發矢遠及里餘侍中崔光等請為銘記之其首曰定鼎遷中之

十年俗因謂之定鼎碑以景明三年十月立

某古錄目

右後魏御射碑在今懷州按北史及魏書宣武紀景明三年十月庚子帝躬御弧矢射遠及一百五十步羣臣勒銘於射所即此碑也碑云唯魏定鼎遷中之十載又云皇上春秋一十有七據史云及孝文帝比干文皆云太和十八年遷都洛陽至景明三年蓋九年矣而碑作十載恐誤又史云宣武以太和七年生景明四年當年二十而碑言十有七則當以碑為據

然則宣武終於延昌四年蓋壽三十五歲而史以為壽三十三者亦誤也今按禮記問天子國君之年對者皆不敢斥言魯襄公送晉侯晉侯問公年季武子對曰會沙隨之歲寡君以生是也今魏人乃直書其君之年於碑豈禮也哉

金石錄

右圖經稱定鼎碑在懷州衙署其題曰御射之碑以其文有定鼎遷中之十載故自昔其名如此不知定鼎遷都在孝文世而偶以文見之然字畫有法獨異



於當時人所書亦見襲中國文物所致而夷俗汗陋  
漸草也魏書景明三年九月丁巳車駕幸鄴戊寅閱  
武於鄴南十月庚子帝親射遠及一百五十步羣臣  
勒銘於射所甲辰車駕還宮今碑所書年月與史相  
合然自戊寅逮庚子為廿一日則自鄴至懷而還京  
師可以考次也不言幸懷溫等處自是可略然既書  
親射勒銘不書其地乃繼文於上似御射當在鄴南  
然則此不當略也註云北海王詳高祖南伐自洛北

巡詳常與侍中彭城王並在輿輦陪侍左右至高宗射之所高宗停駕詔諸弟及侍臣皆試射遠近唯詳箭不及高宗箭所十餘步高宗嘉之拊掌欣笑遂詔

勒銘

廣川書跋

後魏宣武帝御射碑景明三年沈馥書有碑陰在號

州

金石略

後魏宣武帝御講碑

延昌四年立

金石略

在青州

寶刻叢編

大代華嶽廟碑

不著撰人名氏後魏鎮西將軍略陽公侍郎劉元明書大延中改立新廟以道士奉祠春祈秋報有大事

則告碑以太延五年五月立

某古錄目

右大代華嶽碑歐陽公集古錄云魏自道武天興元年議定國號羣臣欲稱代而道武不許乃仍稱魏自是之後無改國稱代之事今魏碑數數有之碑石當時所刻不應妄但史失其事耳余按崔浩傳云方士

初織奏改代為萬年浩曰昔太祖道武皇帝應期受  
命開拓洪業諸所制宜無不循古以始封代土後稱  
為魏故代魏兼用猶彼殷商蓋當時國號雖稱為魏  
然猶不廢始封故兼稱代耳事見楊松玠談藪云

錄

修華嶽廟碑

不著書撰人名氏後魏興光元年詔遣侍中遼西王  
常英缺曹尚書苟尚等重葺嶽廟二年立此碑

集古錄目

興光二年三月立

金石錄

中嶽碑

太安二年十二月

金石錄

正光元年有碑陰

金石略

堯廟碑

正光元年八月

金石錄

正光元年有碑陰

金石略

孝文帝弔比干文

後魏孝文帝弔比干文其首已殘缺唯元載字可識

其下云歲御次乎闕茂望舒會於星紀十有四日日

維甲申按爾雅云歲在戌日闕茂又鄭康成注月令仲冬者日月會於星紀後魏書孝文以太和十八年十二月甲申祀比干墓親為弔文樹碑而刊之是歲甲戌其說皆合其未嘗改元而稱元載者孝文以是

歲遷都洛陽蓋以遷都之歲言之也

金石錄

文為隸書不著姓氏據碑稱遷中之元載北屆衛壤觀比干之墓因弔之而其額曰皇帝弔比干文然則後魏大和中孝文帝之所作也碑以太和十八年十

二月立

寶刻  
叢編

正書太和十八年十一月今在汲縣北十五里比干墓上魏書劉芳傳高祖遷雒路由朝歌見殷比干墓愴然悼懷為文以弔之芳為注解表上之即此文也此碑字多別構如獲為蕝蔽為薜菊為蔡寔為寔箕子為箕子往為佳厥為厥遭為賈顛為顧辛為亲因為曰杼為杵鞠為鞠曳為电芙蓉為狀容葩為葩漂搖為灑颺慮為憶螭為螭裔為稟帶為命訴為訢鷓

為鷄瀏為溜俯為府闔為闔駟虞為駟驥隨為隨轡  
為鑿吸為歛闕為闕睇為睇不可勝紀顏氏家訓言  
晉宋以來多能書者故其時俗遞相染尚所有部帙  
楷正可觀不無俗字非為大損至梁天監之間斯風  
未變大同之末訛替滋生蕭子雲改易字體邵陵王  
頗行偽字前上為草能旁作長之類是也朝野翕然  
以為楷式畫虎不成多所喪敗爾後墳籍略不可看  
北朝喪亂之餘書迹鄙陋加以專輒造字猥拙甚於



江南乃以百念為憂言反為變不用為罷追來為歸  
更生為蘇先人為老如此非一徧滿經傳今觀此碑  
則知別體之興自是當時風氣而孝文之世即已如  
此不待喪亂之餘也註云追來為歸見穆子容太公  
碑先人為老見張猛龍碑更生為蘇今人猶用之

金石

文字  
記

### 比干文碑陰

右比干碑陰盡紀侍從羣臣官爵姓名按後魏書官

氏志邱穆陵氏後改為穆氏今此碑自侍中邱目陵  
亮以下同姓者凡三人皆作目而元和姓纂所書與  
此碑正同又碑自穆崇至亮皆姓邱目陵氏姓纂亦  
云後改為穆而史但云姓穆者皆有闕誤

金石錄

孔子廟碑

邗水又南逕孔子廟東廟庭有碑魏太和元年孔靈  
度等以舊宇毀落上求修復野王令范衆愛河中太  
守元真刺史咸陽公高允表聞立碑於廟治中劉明

別駕呂次父主簿向班虎荀靈龜以宣尼大聖非碑  
頌所稱乃立記焉云仲尼傷道不行欲北從趙鞅聞  
殺鳴犢遂旋車而反及其後也晉人思之於太行嶺  
南為之立廟蓋往時迴轅處也余按諸子書及史籍  
之文並言仲尼臨河而歎曰某之不濟命也夫是非  
太行迴轅之言也碑云魯國孔氏官於洛陽因居廟  
下以奉蒸嘗斯言至矣蓋孔因遷山下追思聖祖故  
立廟存饗耳其猶劉累遷魯立堯祠於山矣非謂迴

轅於此也

水經注

右後魏孔宣尼廟記在今懷州界中文詞頗古質可  
喜云孔子欲北從趙鞅聞殺鳴犢遂旋車而返及其  
沒也晉人思之於太行嶺南為之立廟焉記太和元  
年立其額又有延興四年太上皇帝祭孔子文者孝  
文之父獻文帝也

金石錄

不著書撰人名氏初孔子北適趙聞鳴犢見殺而還  
晉人思之立廟於其地後魏太和中懷州刺史如清

龍使河內太守達頭素和增葺立記又有延興四年  
祭文稱太上皇帝告宣尼之靈者獻文帝也

集古錄目

### 李仲璇修孔子廟碑

右魯孔子廟碑後魏北齊時書多若此筆畫不甚佳  
然亦不俗而徃徃相類疑其一時所尚當自有法又  
其點畫多異故錄之以備廣覽

集古錄

李仲璇為兗州都督修孔廟建碑事在興和三年史  
官稱之是時高歡與宇文泰方確鬪關洛而東魏又

當遷都之際仲璇能改修孔廟尚文儒賢矣碑正書  
時作篆筆間以分隸其形容竒怪攷古書法大小篆  
謂之篆東漢諸碑減篆筆有批法者謂之隸以篆筆  
作隸者謂之八分亦謂之隸正書謂之今隸亦謂之

楷然則如此碑篆耶分耶古今隸耶

石墨  
錫華

李仲璇東魏世家當中原雲擾知尊孔子能修繕廟  
庭先是宮牛阻嶮又能以威惠歸伏史稱所歷並著  
清勤是且具有文武焉碑不著書者姓名猶存古意

雖筆力勁駿如偏面驕嘶又如辮髮章甫殊俗揖讓  
江式書表云皇魏承百王之季世易風移文字改變  
篆形錯謬隸體失真俗學鄙習復加虛造以意為疑  
炫惑於時不獨正其偏傍正為此等書發耳唐景龍  
觀鐘銘源出於此少劑以雅馴便勝

金石史

興和三年十二月今在曲阜縣廟中按魏書李仲璇  
傳除車騎大將軍兗州刺史仲璇以孔子廟墻宇頗  
有頽毀遂修改焉即此碑也其文一行之中有篆有

分有隸有草雜亂無倫而論者以為竒然則作詩者亦當一句騷一句漢魏一句選一句律而後為竒也此愚之所不解也引禮記梁木其摧作良木尤誤

文字記

### 太公呂望碑

穆子容撰正書武定八年四月今在汲縣西北三十里太公廟北史言子容少好學無所不覽求天下書逢即寫錄所得萬餘卷魏末為兼通直散騎常侍聘



梁齊受禪卒於司農卿

金石文  
字記

升仙太子碑

王子晉碑延昌四年十月立

金石錄

梁雅文在西京

金石略

明元密皇后杜氏碑

真君元年明元密皇后杜氏葬崞山立寢廟於崞山

建碑頌德

魏書皇后傳

保太后碑

和平元年文成乳母常氏乳帝有劬勞保護之功尊

為保太后葬磨笄山樹碑頌

北史后妃傳

文成太后碑

太和五年起作壽陵刊石立碑頌太后功德太后立

文宣王廟於長安又立思燕佛圖於龍城皆刊石立

碑

魏書文成皇后紀

郭太妃碑

正光三年四月

金石錄

盧魯元碑

盧魯元於真君三年卒帝甚惜之葬於崢山為建碑

闕

北史

衛操碑

衛操字德元立碑於大邗城南以頌功德皇興初維

州別駕段榮於大邗掘得此碑文

魏書衛操傳

穆崇碑

高祖追崇勲令著作郎韓顯宗與崇子真撰定碑文

建於白登山

魏書穆崇傳

大鴻臚卿鄭盾伯碑

右後魏鄭盾伯碑元和姓纂載滎陽鄭氏云暕生七子曰白麟小白叔夜洞林歸藏連山幼麟號七房鄭氏盾伯小白子也按後魏書幼麟傳云父暕生六子又云幼麟五兄長白麟次小白次洞林次叔夜次連山而無歸藏其次第亦不同又姓纂云小白名茂而史云幼麟名義疑自白麟以降皆其字也據碑與姓

纂皆云盾伯仕至大鴻臚卿而史言少卿者誤矣

金石

錄

太尉于烈碑

右後魏太尉于烈碑云初以功臣子起家為中散轉  
屯田給事中內都幢將遷左衛將軍而後魏書列傳  
云少拜羽林中郎將以本官行秦雍二州事遷司衛  
監以碑考之烈皆未嘗為此官又其父洛拔為黃龍  
鎮都大將而曰和龍烈為屯田給事而曰給納卒年

六十七而曰六十五者皆史之誤又按烈始封昌國

子改鉅鹿公

按烈祖粟碑嘗假封新安公後賜爵新城男疑此亦假封也

又改洛

陽侯進封聊城縣開國子再進為開國伯開國侯其卒追封為鉅鹿郡開國公蓋當時之制如此魏書官

氏志不載皆莫可攷

金石錄

### 鄭義碑

右後魏鄭義碑魏史列傳與此碑皆云義滎陽開封人碑又云歸葬於滎陽石門東十三里三皇山之陽

而碑乃在今萊州南山上磨厓刻之蓋道昭嘗為光  
州刺史即今萊州也故刻其父碑於茲山余守是州  
嘗與僚屬登山徘徊碑下久之傳云羲卒尚書奏謚  
曰宣詔以羲雖宿有文業而治闕廉清改謚為文靈  
今碑首題曰滎陽鄭文公之碑其末又云加謚曰文  
傳載賜謚詔書甚詳不應差誤而碑當時所立必不  
敢諱其一字皆莫可知也

金石錄

### 鄭義上碑

右鄭義上碑初余為萊州得義碑於州之南山其末有云上碑在直南二十里天柱山之陽此下碑也因遣人訪求在膠水縣界中遂模得之義之葬滎陽其子道昭永平中為光州刺史為其父磨崖石刻二碑焉按地里書後魏皇興四年分青州置光州鎮領東萊郡隋文帝時罷郡仍改光州為萊州云

金石錄

車騎大將軍邢巒碑

右後魏邢巒碑云巒字山賓而史作洪賓其為梁州



刺史碑云徵為都官尚書而史作度支後改為五兵尚書而史不載又齎為崔亮所糾據碑言戎軍既班猶以在州之誣遭禁一期而史以謂元暉高肇為齎

申釋故得不坐者非也

金石錄

齎字山賓碑以延昌三年甲午十月建

復齎碑錄

淮陽太守梁鑿碑 延昌四年十月

金石錄

齊兗二州刺史傅公碑 孝明熙平元年十二月

金石錄

劉使君德化頌并碑陰 熙平三年十一月

金石錄

兗州刺史元匡碑

熙平中立

金石錄

金石略作元康

瀛州刺史孫惠蔚墓誌

神龜

闕

年五月

金石錄

後魏安東將軍孫公墓誌其名字鄉里年壽皆不載

獨其末載贈官制書云故安東將軍銀青光祿大夫

棗強縣開國男孫蔚知其名蔚又云歸葬於武邑遂

知其為武邑人也按後魏書儒林傳有孫惠蔚其所

書事迹與誌皆合傳云先單名蔚正始中侍講禁內

夜論佛經有愜帝旨詔使加惠號惠蔚法師焉

金石錄

兖州賈使君碑

神龜二年四月

金石錄 金石略云 賈思伯碑在西安

後魏定州刺史崔亮頌

不著書撰人名氏其額曰定州刺史崔使君至化之

頌使君名亮字敬儒齊國磐陽人長史馮時等立此

碑碑石漫滅亡其年月

集古錄目

右後魏崔亮碑題云魏鎮北將軍定州刺史崔使君

至化之頌蓋亮嘗為定州既去郡人立此碑頌德耳

其間載亮所歷官甚詳與北史及後魏書列傳多合  
惟其自定州歸朝歷殿中都官吏部三尚書而傳但  
言自殿中遷吏部耳亮以正光二年卒而碑神龜三  
年建在亮卒前故自為侍中以後事碑皆不及載也

金石錄

司空元暉碑

正光三年四月 右後魏元暉碑據後魏書列傳云  
暉鎮西將軍忠子而北史以為忠弟德之子今以碑

考之北史是也又碑云孝文時為主客郎中而魏史  
言世宗即位拜此官碑云神龜二年卒而史言元年  
卒者亦非是其餘遷拜次第時有不同不盡錄也

錄

金石

兗州太守張猛龍碑

正光三年正月有碑陰

金石錄

猛龍為魯郡太守郡人立碑而頌之正書虬健已開  
歐虞之門戶碑首正書大字十二尤險勁又蘭臺之

所自出也。猛龍不見史冊，據碑諱猛龍，字神因，而金石錄有劉乾碑，諱乾，字天魏，人名字如此，亦異矣。

石

錫  
華

張猛龍碑是龍為魯郡太守，郡人頌其功德者也。其文無足言者，其書律以晉法，雖少蘊藉而結體錯綜之妙，使以劑唐足脫一代方整之累，歐顏諸公便可入山陰之室矣。然此碑却落險峻，又未証晉果何也。當由筆與歐顏異耳。至若蘇黃少變又少別趣，書道

之難如此然知者鮮矣猛龍字神回按回呼骨切日出氣也其名字險怪不雅馴濫觴於詩亦爾不特書

也

金石史

行書今在曲阜縣孔子廟其陰書陽原縣義士州主

簿王人生造頌文多剝缺

金石文字記

望都令侯宗碑

正光三年四月

金石錄

侍中廣平穆王碑

俗云陵家碑太昌元年西京

金石略

范陽王誨碑

太昌九年十二月 右後魏范陽王碑云王諱誨高祖孝文皇帝之孫太師武穆王之子今世所傳後魏書北史孝文諸子列傳皆文字脫落不完惟孝明紀載孝昌二年封廣平王懷廢長子誨為范陽王以此知其為懷子據碑云懷謚武穆而傳作文穆者誤也誨仕至僕射為爾朱兆所殺事見莊帝本紀

金石錄

賀拔岳碑

永熙三年正月 右後魏賀拔岳碑岳當時名將也



北史及後魏書皆有傳初為爾朱榮親將其後齊神武使侯穆陳說害之爾朱榮凶殘狂悖蓋魏之莽卓也而此碑乃以為圖伊霍之舉豈不可笑也哉然魏收為魏史受榮子文略之賂亦以榮比韓彭伊霍乃知貧鄙無知之徒世不乏人也按莊帝諸書皆作孝莊而此碑獨作莊疑書碑者之誤

金石錄

不著書撰人名氏拔岳桑乾馬邑人也後魏末為雍州刺史都督三雍二華二十州諸軍事謚曰武壯碑

以永熙三年正月立

集古錄目

兖州刺史羊使君碑

不著書撰人名氏君名缺不可見而有其字靈引太山平陽人也為京兆王愉長史愉將反君不從見殺詔贈兖州刺史謚曰威碑以熙平二年立

集古錄目

僧會碑

不著書撰人名氏僧會名集安定朝那人碑缺亡其姓仕後魏至衛大將軍贈侍中司空碑以正光四年

立

集古  
錄目

斛斯正碑

不著書撰人名氏正字貸敦河南洛陽人仕後魏至  
驃騎大將軍贈侍中司徒謚武昭碑以永熙二年立

集古  
錄目

征東將軍景宣碑

大統十年七月初二日甲申建

復齊  
碑錄

西魏征東將

軍景宣碑石已破剝失其姓字其額云大魏持節征

征下缺碑云君名景宣宣下又缺又云拜持節征東將軍南陽太天下又缺當是持節征東南陽太守故

南陽立此碑也

集古後錄

後魏張善碑

不著書撰人名氏善字

碑缺

趙郡平棘人隱居學佛老

之說召拜輔國將軍辭而不受碑以太延四年立

集古

目錄

中山太守常通碑

在定州府城西北三里

訪碑錄

元成碑

在祁州深澤縣墳側正始五年立

訪碑錄

鎮東將軍劉乾碑

右魏鎮東將軍劉乾碑云君諱乾字天自晉遷而南  
典章文物掃地而盡至於名字書畫皆一出其私意  
而無復稽考可謂亂世矣若劉君者名乾字天豈不

怪哉

金石錄

汝南王碑

右後魏汝南王碑王名悅孝文子也爾朱榮之亂奔梁梁武厚遇之立為魏王後復歸北據後魏書列傳云出帝時為大司馬卒而帝紀與北史皆言為出帝所殺蓋列傳之誤而此碑亦不書者諱也

金石錄

北海王詳石碣

澆水自靈邱縣又西流南轉東屈逕北海王詳之石

碣

水經注

後魏孝侯碑

天平二年東京

金石略

金鄉縣令徐公碑

景明中立濟州

金石略

章陵太守呂君碑

鄧州

金石略

司徒斛律斯公碑

并州刺史王坦碑

絳州

金石略

車騎將軍穆祚碑

汾州

金石略

崔浩碑 興光二年華州

金石略

如君頌

字畫如後魏時人

金石錄

張夫人墓誌

延昌元年十月

錄金石

岐州刺史王毅墓誌

大統九年十月

錄金石

祗洹碑

平城東郭外太和中閻人宕昌公鉗耳處時立祗洹

舍於東皋亭中有祗洹碑碑題大篆

水經注

韓麒麟碑

歷城縣魏明寺中有韓公碑太和中所造也魏公曾  
令人遍錄州界石碑言此碑詞義最善常藏一本於



枕中故家人名此枕為麒麟函韓公諱麒麟

酉陽雜俎

### 石門銘

右魏石門銘云此門蓋漢永平中所穿自晉氏南遷  
斯路廢矣皇魏正始元年漢中獻地褒斜遂開假節  
龍驤將軍梁秦二州刺史羊祜開創舊路詔遣左校  
令賈三德共成其事起四年十月訖永平二年正月  
畢功其餘文字尚完而其大略如此石門在漢中所  
謂漢永平中所穿者乃明帝時司隸校尉楊厥所開

也厥自有碑述其事甚詳正始永平皆後魏宣武年

號也

錄集古

登雲峰山詩

鄭道昭撰永平四年

錄金石

天柱山東碁石室銘

鄭道昭撰永平四年

錄金石

鄭道昭哀子詩

延昌四年

錄金石

松滋公興溫泉頌

京兆府

略金石

正書今在臨潼縣

金石文  
字記

龍門山碑

魏土地記曰梁山北有龍門山大禹所鑿通孟津河  
口廣八十步巖際鐫跡遺功尚存岸上并有祠廟祠  
前有石碑三所二碑文字紊滅不可復識一碑是太

和中立

水經注

龍門山碑在山西大同府山陰縣魏孝文帝立碑陰

有從臣姓名

古今碑刻記

叱閭神寶修闕城銘

右將軍西中郎將叱閭神寶銘文云維大魏神龜元

年歲次戊午十一月壬午朔十日壬辰起工三十萬  
修治闕城并作館第敬造三級浮圖按後魏書官氏  
志及元和姓纂有叱門氏後改為門而無叱閭氏蓋

其闕漏也

錄金石

瑤光寺碑

宣武永平三年八月

錄金石

聖旨寺碑

永熙三年北京

略金石

崇先寺記

無年月

錄金石

化政寺石窟銘

右後魏化政寺石窟銘北史及魏書有宦者鮑疑傳  
云疑終於涇州刺史自言其先姓杞後避禍改焉今  
此碑題涇州刺史杞疑造後復改從其本姓耳

金石錄

### 三塚寺碑

不著書撰人名氏後魏缺人董興壽等造佛像於三

塚寺以興和二年立

集古錄目

### 神龜造像碑

右神龜造像碑記魏神龜三年立余所集錄自隋以

前碑誌皆未嘗輒棄者以其時有所取於其間也然  
患其文詞鄙淺又多言浮圖然獨其字畫徃徃工妙  
惟後魏北齊差劣而又字法多異不知其何從而得  
之遂與諸家相戾亦意其夷狄昧於學問而所傳訛  
謬耳然錄之以資廣覽也此碑字畫時時遒勁尤可  
佳也神龜孝明年號按魏書神龜三年七月辛卯改  
元正光而此碑是月十五日立不知辛卯是其月何  
日也當俟治歷者推之

集古錄

後魏桓嵩撰不著書人名氏河內縣民撰石像碑記  
題名者數十人三十皆稱侍佛碑以神龜三年立

集古

目錄

叱閭神寶造像記

神龜元年十二月

錄金石

邑義一千人造像記

正光五年四月

錄金石

孟思文等造像碑

正光六年四月

錄金石

房曇淵等造像記

莊宗永安三年十月

錄金石

石像記

不著書撰人名氏石像邑人所共造廬江太守逢紫

等刻銘以興和二年立

集古錄目

造三級浮圖碑

太和十二年七月

金石錄

御史臺雙塔頌

永熙二年

金石錄

磚浮圖石蓋銘

正書嵩山會善寺掘地得此石蓋銘曰神龜三年七

月三日魏故侍中太尉公清河王薨世子元亶字子

亮次子元祀字子開奉為建七層磚浮圖一區敢用



頂髮及諸雜寶上塔追誠崇誠千載弗忘謹銘函蓋

今存寺中元紀當是元啟

金石文字記

庚戌教戒經幢記

裴思順造

墨池編

教戒經後魏庚戌造教戒經幢記裴思順造

碑帖攷

爾朱榮雙兔碑

爾朱榮獵有雙兔起馬前應弦而殪三軍咸悅命立

碑於其所號雙兔碑

北史本傳

孝女碑

河東姚氏女字女勝正光中母死不勝哀遂死太守  
崔游請於塋墓立碑自為朱文表其門閭比之曹娥

改其里曰上虞里墓名孝女冢

北史列女傳

### 五級浮圖碑

不著書撰人名氏後魏汲郡朝歌雍城里人張醜和  
等共造五級浮圖以正光二年刻石其後有比丘僧

題名

集古錄目

六藝之一錄卷五十九

欽定四庫全書

六藝之一錄卷六十

錢唐倪濤撰

石刻文字三十六

西魏

雍州刺史長孫擘碑 大統五年立

京兆金  
石錄

司空匡穆周公碑

無名氏隸大統十三年立在縣東北十五里墓前隸

書甚工近上已斷字存十七背螭中鑿龕佛像製刻精

古真六朝遺迹也

王家瑞咸陽  
金石遺文

此與後周豆盧恩碑皆咸陽令王公所得視豆盧碑稍完隸書王公刻其文止缺三十三字而搨本則不可讀矣碑首題大魏故司空匡穆周公之碑銘篆書十二字宛然如新按史傳與碑畧同碑具當時贈謚而史無之史但云開皇中追贈蕭國公云

石墨  
錫華

二像碑

不著書撰人名氏題曰魏平西將軍太原太守王府

君釋迦彌勒二像碑府君名備字道賓太原人嘗有  
遺誠使刻石立像於其墓前其子洛州長史聿始造

二像立此碑

集古  
錄目

東魏

東平太守劉霸碑

孝靜天平元年

金石  
錄

相州刺史徐雅碑

天平二年二月

不著書撰人名氏雅字安市高平金鄉人後魏孝昌  
中邊城叛亂以雅為平朔戍主假輔國將軍城陷而

死追贈鎮軍將軍相州刺史碑以天平二年立

集古錄目

趙貴碑

不著書撰人名氏貴南鉅鹿麀陶人仕東魏至本郡

太守贈殷州刺史碑以天平二年立

集古錄目

膠州刺史祖淮碑 天平三年十月

右東魏祖淮碑云君膠州平昌安邱人也六世祖逖

又云其卒贈膠州刺史按後魏永安中分青州置膠

州隋開皇五年改為密州焉

金石錄

高翻碑

在磁州城南門外五里村民家元象二年立碑題北

齊臨清王假黃鉞碑

訪碑錄

右東魏高翻碑翻齊獻武王歡叔父也魏書本傳云以元象中追加贈謚後題建立歲月文字殘缺惟有魏元字可辨又云歲次己未按東魏孝靜以元象二年十一月改元興和是年歲次己未此碑蓋元象

二年建立也

金石錄

張烈碑 據青州圖經云元象元年立

右東魏張烈碑在今青州界中文字磨滅以事考之  
蓋張烈也按北史列傳烈為家誠千餘言臨終勅子  
姪不聽求贈但勒家誠立碣而已即此碑是也其卒  
葬年月殘缺不可辨傳亦不載惟青州圖經云卒于

元象中云

金石錄

賈思同碑 興和二年五月

右東魏賈思同碑思同與其兄思伯後魏書皆有傳



云青州益都人今其墓乃在壽光縣而思伯之碑亡

矣

金石錄

張早墓誌

興和二年十月

金石錄

張奢碑

不著書撰人名氏殘缺尤甚奢之字及鄉里皆亡其  
可見者以興和三年葬耳其額曰魏故渤海太守張

君碑以是又知其官爵姓氏也

金石錄

魏蘭根碑

興和四年

右東魏魏蘭根碑按北史列傳云蘭根起家為北海王侍郎而碑云起家為奉朝請遷員外散騎侍郎碑云以在岐州之功封永興縣開國侯而史不載又史云天平初謝病以開府儀同歸本鄉武定元年薨而碑云薨于天平二年其卒也史云贈司空而碑作司徒皆當以碑為正

金石錄

瀛州刺史李公碑

武定二年二月

金石錄

樂陵太守劉公碑

武定二年二月

金石錄

安州刺史赫連栩碑 武定五年四月

金石錄

韓陵碑

在安陽縣東北十八里東魏丞相高歡破爾朱兆兄弟於此山下仍立碑即溫子昇之詞陳尚書徐陵嘗北使鄴讀韓陵碑愛其才麗手自錄之歸陳士人問陵北朝人物如何曰唯韓陵片石可與語耳

寰宇記

冀州刺史關寶顯紀德碑

武定八年在平定州

天下金石志

敬君像頌 武定七年

右東魏敬君像碑頌敬君名曦顯雋從弟碑云十世祖漢揚州刺史韶按後周書敬珍傳唐書宰相世系表皆云韶漢末為揚州刺史與此碑所書同而姓苑與元和姓纂皆作敬疑轉寫之誤又據碑顯雋乃韶十世孫而姓纂以為九世恐亦誤也

金石錄

大覺寺碑 天平四年八月

右東魏大覺寺碑在洛陽碑陰題韓毅書據北史毅

魯郡人工正書神武用為博士以教彭城景思王攸  
當時碑碣往往不著名氏毅以書知名故特自著之  
也然遺跡見於今者獨此碑爾

金石錄

### 大覺寺碑陰

右大覺寺碑陰題銀青光祿大夫臣韓毅隸書蓋今  
楷書也庾肩吾曰隸書今之正書也張懷瓘六體書  
論亦云隸書者程邈造字皆真正亦曰真書自唐以  
前皆以楷字為隸至歐陽公集古錄誤以八分為隸

書自是舉世凡漢時石刻皆目為漢隸有一士人力  
主此論余嘗出漢碑數本問之何者為隸何者為八  
分蓋自不能分也因覽此碑毅自題為隸書故聊誌  
之以祛來者之惑

金石錄

### 造寺碑

隸書不著書撰人名氏寺後魏太武帝所造東魏天  
平中中軍將軍元景康重修故立此碑然不知其為

何寺也

集古錄目

崇先寺記

碑無歲月不知何時所立建此寺者隴西君君上滅  
一字其官為持節假撫軍將軍鎮遠將軍新野鎮將  
帶新野太守新野漢廣兩郡大都督今以盧辨所作  
九命考之撫軍將軍大都督八命鎮遠將軍諫議大  
夫正六命又考新野郡在漢為縣晉太康中為侯國  
至惠帝始分南陽立新野郡齊永泰元年魏孝文攻  
圍新野太守劉忌死之地入于魏唯漢廣郡求之於

史無所得今南陽平氏有徐使君碑稱興和三年拜  
撫軍將軍南雍州刺史在漢廣置立州鎮其陰又有  
漢廣太守郡丞郡功曹等數人興和靜帝年號此君

疑亦當時人也

集古  
後錄

造石碑像記 天平元年十月

金石  
錄

造石觀音像記 武定元年平南將軍焦永安造

集古  
錄目

劉起貴造像記 武定二年十二月

金石  
錄

逢元彥造像記 武定二年十二月

金石  
錄



比邱曇妙等造像記 武定三年

集古錄目

造石像碑

不著書撰人名氏陽翟郡防境大都督石文達等為

太守敬曦造像記以武定七年立

集古錄目

右東魏造石像記其碑云大魏武定七年歲次己巳

武定孝靜帝年號也今世所行歷譜惟龔穎運歷圖

與今亳州宋退相紀年通譜為最詳而以穎所書推

之武定七年歲當己巳與此碑合而武定止於八年

是歲庚午東魏滅其事與東魏北齊書亦合而通譜以七年為戊辰八年為己巳又有九年為庚午而東魏滅按孝靜以後魏大統十六年滅是歲庚午則知宋公所記甲子不謬惟武定不當有九年而七年不得為戊辰此其失爾蓋孝靜始即位改元天平蓋四年而五年正月改為元象今通譜天平止於三年以四年為元象蓋自元象以後遞差一年故以武定七年為戊辰也苟不見斯碑則運歷圖與通譜二家得

失其何以決

集古錄

### 造石塔記

無書撰人名氏魯郡白源寺沙門志紹村人劉志義等造西塔記東魏武定四年刻其後題名百餘人

集古

錄目

### 任城王造浮圖記

右任城王造浮圖記不著其名云武定四年建武定東魏孝靜年號也按後魏書景穆皇帝子雲雲子澄

相襲為任城王其後國絕不封其去孝靜時差遠不

知武定四年王任城者為誰也

集古錄

### 定國寺浮圖碑

在安陽縣東魏遷鄴高丞相以南臺為相國寺作碑

浮圖極高其文即溫子昇撰

寰宇記

### 共城石像碑

後魏鎮西將軍廉侯事道於汲縣置立堂宇鑄石為

老子像而祀之在共城武定四年立

寰宇記

征虜閭孝侯碑

天平三年立

在陽武縣  
寶刻  
叢編

徐穆之碑

武定元年立

在南陽縣  
諸道石  
刻錄

北周

華嶽廟碑

天和二年十月

右後周華嶽廟碑万紐于瑾撰趙文淵字德本書按  
後周書列傳有趙文深字德本蓋唐初之史官避高

祖諱故改為深耳万紐于瑾者唐瑾也周文帝時賜

姓宇文後以于謹請與同姓更為万紐于云

金石錄

右周天和二年修西嶽碑趙文淵分書當南北分爭之時即此文章字畫足以見其景象此古人所以擬金石之刻猶人之面貌也然是碑好事家罕收簡翁能搜之淵泉其勿輕以示人哉

立牘紀

碑文万紐于瑾造趙文淵書按瑾唐瑾賜姓史稱其

著碑頌數十萬言此其一也而文詞殊無超拔其稱

趙文淵云雅有鍾王之則筆勢可觀宇文泰時命文淵與黎李明等刊定六體嘗至江陵書景福寺碑梁主稱之又以題榜功增封邑除郡守後雖外任每須題榜輒復追之竇泉賦云文淵孝逸獨慕前蹤至師子敬如欲登龍有宋齊之面貌無孔薄之心胸然則文淵書在當時固知名此碑天和二年造正其書路寢等榜後也故官稱趙興郡守云碑字小變隸書時兼篆籀正與李仲璇孔廟碑同亦褚河南聖教歐

陽蘭臺道因之所由出也江陵景福寺碑不知存否  
此則完好無一字磨泐固文淵之幸哉文淵史避唐

祖諱作文深

石墨  
錫華

余嘗過金天祠輒縱觀前代碑版漢碑無一存者獨  
後周華嶽碑如魯靈光巋然古柏下余手摩其文制  
作精雅洞達若鑑為萬紐于瑾文趙文淵隸書于瑾  
嘗著碑頌數十萬言此文殊無可觀文淵為周書學  
博士書跡雅為當時所重宇文泰時命刊定六體至



江陵書景福寺碑梁主稱之又以題榜功增封邑除  
郡守不可謂不遇也而碑字盡倂古法淺陋鄙野一  
見欲嘔而名動一時何耶實泉述書賦云文深孝逸  
獨慕前蹤至師子敬如欲登龍有宋齊之面貌無孔  
薄之心胸泉避唐諱故文淵作文深當時謂文深師  
右軍孝逸師大令平梁後王褒入國舉朝貴胄皆師  
褒獨兩人負二王法二王不作古隸文淵豈獨工行  
草楷則固不閑于分法耶

金石史

今在華陰縣西嶽廟其結銜曰使持節驃騎大將軍  
開府儀同三司大都督司宗治內史臨淄縣開國公  
萬紐于瑾造此文車騎大將軍儀同三司縣伯大夫  
趙興郡守白石縣開國男南陽趙文淵字德本奉勅  
書余所見碑撰人書人列名者始此其陰為唐刻華  
嶽精享昭應之碑而左右旁各有題名別見于後  
萬紐于瑾者唐瑾也後周書本傳時燕公于謹勲高  
望重朝野所屬白文帝言瑾學行兼修願與之同姓

結為兄弟庶子孫承其緒論有益義方文帝歎異者  
久之賜瑾姓万紐于氏又云封姑臧縣子以平江陵  
功進爵為公而不言臨淄者史闕也李昶樂運傳並

云臨淄公唐瑾

金石文  
字記

### 河瀆廟碑

後周車騎大將軍王褒撰車騎大將軍趙文淵奉勅  
書字為隸體初北齊天統十六年周文帝請立四瀆  
廟於華山郡使郡守楊子昕營建武帝朝晉公護秉

政廟在其封內又增修之而立此碑以天和二年十

月立

集古  
錄目

右河瀆碑後周天和三年建內史大夫琅邪王褒字  
子淵造文趙興郡守趙文淵字德本奉勅書余嘗讀  
楊大年談苑云千字文題勅員外散騎侍郎周興嗣  
次韻勅字乃梁字傳寫誤耳當時帝王命令尚未稱  
勅至唐顯慶中始云不經鳳閣鸞臺不得稱勅勅之  
名始定於此按此碑及唐瑾撰華嶽廟碑皆文淵奉

勅書後周距梁時未遠又隋薛道衡撰老子碑唐初  
虞世南撰孔子廟堂杜如晦碑歐陽詢書昭陵九成  
宮碑皆作奉勅如此類甚衆不獨始於顯慶大年之  
論非也然則唐人所謂不經鳳閣鸞臺不謂之勅者  
蓋言命令當由廟堂出非謂勅之名始於此也然文

淵奉勅書碑而自著其字何哉

金石錄

延壽公碑 保定元年三月

右後周延壽公碑頌云勳州刺史延壽郡開國公万

紐于寔考之於史寔太師燕國公于謹子也謹後魏  
新安公栗磾子洛拔之後余家有洛拔子烈碑述其  
世系甚詳云遠祖之在幽州者世首部落陰山之北  
有山號万紐于者公之奕葉居其原址遂以為姓暨  
高祖孝文皇帝始賜姓為于氏焉今此碑復稱万紐  
于者蓋後周時凡孝文賜姓者皆復改從舊云又姓  
纂及唐書宰相世系皆云謹洛拔五世孫也以後魏  
及周書考之洛拔以太安四年卒年四十五謹以正

光四年為廣陽王元深長流參軍年三十一洛拔之  
卒距謹之為參軍蓋六十四年洛拔既早世不應後  
六十四年已有五世孫年三十一也以此知言謹為  
洛拔五世孫者蓋未可信又周書稱謹祖名安定而  
唐書表作子安亦莫究其孰失也

金石錄

### 豆盧恩碑

史恩附兄寧傳曰永恩今據碑蓋以字行耳碑稱保  
定二年贈柱國大將軍涪陵郡公史稱贈少保幽冀

五州等諸軍事幽州刺史謚曰敬似當以碑為正碑  
在咸陽恩墓前隸書令尹王家瑞求得之余摹一紙  
多不堪讀而王公所刻金石遺文尚存強半蓋從碑

下錄之耳

石墨  
鐫華

八分書今在咸陽縣碑云恩字永恩今北史附見其  
兄豆盧寧傳但言永恩而缺其名其歷官與傳略同  
後半漫滅不可讀

金石文  
字記

柱國康國忠公王雄碑 保定四年立

京兆金  
石錄



贈太保吳國武公尉遲綱碑 天和四年立 京兆金石錄

雲州刺史胡歸德碑 天和六年十月 金石錄

儀同碑

周元年宇文周碑今在襄陽縣民董氏家 輿地碑目

席肅公神道碑 在襄陽府保定四年 輿地碑目

折克行墓碑 在府谷縣西 天下金石志

楊忠碑 忠隋文帝父碑在象山 天下金石志

韋孝寬碑

不著書撰人名氏孝寬字孝寬京兆杜陵人仕周至  
相州總管封鄖國公贈雍州牧謚曰襄碑以大象二

年立

集古  
錄目

太學生拓拔府君墓誌 保定元年十二月

右後周太學生拓拔府君墓誌陳使周弘正撰云君  
諱吐度真魏昭成皇帝之後也夷俗以三字為名者  
甚衆拓拔君為書生尚仍其俗何哉蓋自魏孝文帝  
惡夷俗姓氏盡易之至後周一切復從舊故當時士

人名字亦皆用夷語無足怪也

同州刺史普六如忠墓誌 天和三年七月

右普六如忠墓誌普六如忠者楊忠隋高祖父也後  
魏時賜姓以誌傳攷其事皆合惟其為都督涇幽雲  
顯鹽靈等六州諸軍事而傳以幽為幽者蓋傳寫誤

耳

金石錄

温州刺史烏丸僧修墓誌 天和七年三月

右後周烏丸僧修墓誌僧修本姓王氏梁南城侯神

念之子太尉僧辨之弟歸後周仕為溫州刺史卒元和姓纂及唐史宰相世系表皆云神念父同為護烏丸校尉因號烏桓王氏今墓誌乃云僧修歸周賜姓烏丸又諸書皆云神念謚壯而墓誌作莊唐表云僧修生景孝而墓誌云名祥字景孝皆當以墓誌為正

也

金石錄

李調示余烏丸僧修石志曰僧修太原祁人周王子因以建族父神念仕魏以讒歸梁封南城壯侯又

曰僧修仕文德士師雖府臨邊為岳陽王中兵參軍  
府王稱帝進開府持節荊州刺史義成郡公及執贄  
來朝奉璋謁帝天子以公世仕魏朝戮力梁國有命  
加禮異賜以強族授使持節驃騎大將軍出牧溫部  
方欲馳劔騎于稽秦耀樓船于淮泗天不予年此其  
所終始余考之烏丸本北部大姓神元世氏改為桓  
附入族官大統十五年文帝寶炬雖詔天和改姓者  
復舊然桓氏非神元所命知未嘗復也按梁書王神

念太原祁人據潁川歸梁魏軍至與家屬渡江封南城縣侯其後謚曰壯神念死子僧辨以兵興梁胙荆州然則烏丸在梁為王氏而壯侯蓋神念謚也今考梁書南史太清記周書皆不錄僧修事其在神念僧辨傳中亦不稱僧修史家之闕如此其為壯侯則又誤矣梁元帝封湘東王太清元年持節荆雖九州然志謂雖府即世祖也諸書亦不錄世祖為岳陽王至江陵陷而僧修入周其曰奉璋謁帝則周武也僧修

賜氏烏丸蓋非魏舊姓今姓皆不著烏桓別姓然誤  
謬相襲可勝考耶或曰周天和六年其後為建德今  
志乃書七年三月朔於武鄉何也余以長歷推之天  
和七年太歲直辛卯其三月癸卯朔則丙午者四日  
也其月丙辰改元建德蓋十四日矣葬之四日改元  
志與史不差可得據也

廣川  
書跋

黃羅刹碑

以下二碑皆唐初立以其皆北周時人今附  
於北周

唐秦王府學士虞世南撰不著書人名氏羅刹東郡

昨縣人周末尉遲迥兵起羅刹聚眾擊之授碑軍總

缺

管碑以武德八年十月立

集古錄目

右後周黃羅刹碑虞世南撰羅刹仕周為行軍總管其子君漢唐初為將有功武德中為父追立此碑按後魏元义本名夜义弟元刹本名羅刹元樹遺公卿書譏詆以謂夜义羅刹皆鬼名也今羅刹周人去魏

不遠猶以為名何哉

金石錄

太宗伯唐瑾碑



唐于志寧撰歐陽詢正書瑾以後周天和四年薨貞

觀中其孫皎所立

復齋碑錄

右後周唐瑾碑以後周書及北史列傳校之首尾皆  
抵牾不合傳云字附璘而碑云字子玉傳云始任為  
尚書員外郎而碑云釋褐員外散騎侍郎傳云初封  
姑臧縣子而碑云永昌子傳云為吏部尚書父憂去  
職尋起令視事而碑云為周太祖記室其年丁武公  
憂起復太子舍人傳云為驃騎大將軍開府儀同三

司進爵臨淄伯轉吏部尚書于謹伐江陵以為元帥  
府長史而據碑為吏部尚書皆在為驃騎開府及元  
帥長史已前又其改封臨淄伯蓋為龍驤將軍時而  
其為開府乃進爵為公傳云六官建授禮部中大夫  
而碑云授宗伯傳云出為蔡州刺史歷柘州硤州轉  
荊州總管府長史入為吏部中大夫歷御正納言中  
大夫久之除司宗中大夫兼內史卒于位而碑云先  
為柘州刺史乃遷蔡州授司宗御正納言又轉荊州

總管尋遷小宗伯乃薨其遷拜次第不同如此又傳云瑾嘗為戶部尚書硤州刺史吏部中大夫今據碑皆未嘗拜而柘州碑作招碑云瑾嘗為黃門侍郎又為散騎常侍尋領大著作修國史及起居注又為侍中傳皆不載其卒也傳云贈小宗伯而碑云贈華州刺史傳云謚曰方而碑云謚曰懿碑于志寧撰貞觀中其孫皎所立後周書北史皆唐初修距瑾之卒歲月未遠而顛倒錯繆如此然其官爵名字子孫不應

有誤皆當以碑為據也

金石錄

故儀同陳毅志

保定三年癸未十二月辛卯朔十九日癸酉立

復齋碑錄

後周立秦始皇碑

大象二年立在不夜城即今文登縣

訪碑錄

大象碑

不著書撰人名氏碑文為對偶述事不明又但稱延壽公而無姓名今以北史考之周大象二年尉遲迴

起兵于鄴分遣部將所在攻下城邑東郡太守延壽  
公于仲文棄郡奔關中拜大將軍還擊迴軍取梁郡敗  
其將檀讓於武城破席毗羅於金鄉與此碑同蓋仲  
文紀功碑也大象二年立

集古  
錄目

右周大象碑宇文氏之事迹無足采者惟其字畫不  
俗亦有取焉玩物以忘憂者惟怪竒變態真偽相雜  
使覽者自擇則可以忘倦焉故余於集古所收者博

矣

集古  
錄

于寔靈塔頌

不著書撰人名氏周大都督勳州諸軍事勳州刺史

万紐于寔所立塔頌也以保定元年立

集古錄目

常樂寺浮圖碑

常樂寺浮圖碑周保定四年立州人治記室曹胡達

撰其辭云襄州刺史王秉字孝直建常樂寺碑塔七

層其碑文今仆在襄州開元寺塔院其文字書畫無

過人者特以後周時碑文少見於世者故存之

南豐集古

錄

宇文衆造像碑

閔帝武成元年十月立

金石錄

降魔寺碑

後周鄭國公府長史拓拔崇奉教撰總管府兵曹謝  
威奉教書降魔寺者鄭國公宇文寬之所建碑以武

德二年立

集古錄目

嵩陽寺碑

八分書今在嵩山會善寺未有正書一行曰大唐麟  
德元年歲次甲子九月景午朔十五日庚申從嵩陽  
觀移來會善寺立 碑文東作東矩作短潛作潛馴  
作巡啄作啄洋作庠鷺作務惟皇帝太后不跣行不  
空闕猶存古式 葉封嵩陽石刻記曰此碑上截刻  
佛像雕鏤層疊佛相隆起餘地鐫平此文刻於下截  
當碑四分之一其字之上方又刊空方六寸許深入  
二寸許其規製亦迥異於後代也北齊諸碑亦率類



此金石文  
字記

麥積山應乾寺重修七佛龕銘  
庾信文在秦州  
金石略



六藝之一錄卷六十